

Válde aktijuodav

Ij galga surgulattja duogen aktijuodav válldet. Ep muojon lulu javllat "skuolkasta munji jus la juoga, mán lav dánna" dan diehti gå surgulasj vájbi ij nagá árrrot sán gut ietjas gullen dahká. De buorep la jus javllap "Skuolkastav dunji dijstagá vaden, vássteda jus nagá". Muhttijn ij vássteda ja árrus de návti, surgulasj ij agev nagá vásstedit, valla máhttep de vaden ja vaden skuolkkat.

Boarkki sjávodisvuodav

Muhtema dåbddi låssåt la guládit guojmmeulmutjjí gut surggá. Majt javlav? Na jus ber sjávvun jali tjerrogoahtá? Valla ájnnasamos ij la mejt javllap ájnát jut sjávodisvuodav boarkkip. Ja muhttijn la sms:a buorep tjoavdos telefåvnás dajna gå álkkebut tjállá ja vásstet.

Liege gierddis

Juohkka surgulattjan la ietjas surggo, mav mij vierttip dádjadir ja gierddat. Máhttá sjaddat návti vaj mij gæhtjalip surgov ierijt jaskadahttet jali vájbbap gå ij suono. Surgeon ij la "buoremusåvddålabejvve" ja ij gávnnu vissa ájgge surggat. Muhtem ájádusájt dár-baj gærddodit, soabmásijda soajttá liehket ájnas oasse surgov dádjadimes ja bargadi-mes.

Álgada

Lea buorre jus mii geat doarjut sáhttit leat dat geat evttohit áibbas árgabeaivválaš doaimma. Evttot gáfestal- lat, geahččat filmma dahje dušše fitnat váccašeamen. Máŋgasat geat moraštit gáibidit bottu morrašis ja unnánaš dábálaš eallima. Dat gean mii bovdet soaitá biehttalit ja dat lea áibbas ortnegis, dehálaš lea ahte jearrat – ja duostat fas jearrat.

Vuosed lahkavuodav

Ålos mijás balli ilá lahka nággit ja álu hæjttá dan láhkáj vaj ep ávvå guláda. Soajttá návti ussjolip surgulasj dárbaj ráfev jali vuorddep gullumis vehik desik "værámus la vássám". Ájnas la mij tjielggasit vuosedip mij danna gávnnup vaj surgulasj ij ietjas dåbdå ålgolin jali ebdalussjen.

Vatte sajev

Soajttá moaddása avta bále soarjjiji sæmmi ulmutja badjel. Ulmutja gudi li lagámusáv láhppám li ietjasa sierra láhkáj tjanádum dan ulmutjij gut dálla la gáhtum. Surggo ij la sæmmi lágásj ulmutjis ulmutjij. Ájnas la mij adnep surgulattjav guovddelin vaj ep iehtjama mujtoj ja dåbdoj suv duoppedaa. Hæhttup mujttet surgulattja dåbdojt vuostatjin biedjat, makkára ájn li. Mijá ájádusá ja giehto li diedon aj ájnnasa – valla ælla ájnnasabmusa.

Frykt ikke, for jeg er med
deg, vær ikke redd, for jeg er
din Gud! Jeg gjør deg sterk
og hjelper deg og holder
deg oppe med min rettferds
høyre hånd.

Jesaja 41, 10



Oajvvadusá dán brosjyran li dåssju muhtema
moattet dagos majt mij guojmmeulmutja máht-
tep surgulattjaj dahkat. Ale uhtseda binnep
dagov, unnek dahko aj máhttá ednagav mierkkit.
Jus sidá ienep doarjjagav jali soabmásav gejna
ságasta de guossida tjoaggulvisáv gånnå åro jali
kirken.no/chat. Besa aj råhkådallat jali ginntalav
tsahkkidit webbabielen kirken.no/be

Mij la vuostasj viehkke surggobále?

Ij aktak ulmusj galga dárbahit aktu surggat. Dan diehti la Vuona girkko ájádusájt ja oajvvadusájt tjoahkkim ma midjjí guojmmeulmutjjida álkkebun dahki gávnnut doarjjon sunji guhti surggá. Surgov ij máhte divvot, valla gå dav juogat de buorebut dav gierddá. Girkko la guhkijt juo surgulattjajt huksam ja doarjjum. Oajvvadusá dánna li ájgodum vuostasj viehk- ken, vuostasj ájge, gå jábmem duosstu.

Gájkka surgo li sierralágátja ja duohtavuoda jalik bagádusá e gávnnu. Vájbi danen aj náv ålos jiebbi ietjá ulmutjjí surgguj oassálasstet. Dái oajvvadusájt Vuona girkko doajvvu ålobu dåbd-duji jaskadabbon ja li ienep gárvvása, vaj aktak ij aktu surgguj bátse.



VUONA GIRKKO



VUONA GIRKKO

Vuostasj viehkke surggobále

Oajvvadusá ma álkkebun dahki
surgulattja guoran gávnnut